



Ai 25.04.2010 él gnü sughé la terza partida pur La Val cuntra Raas, i prüms te tlassifica, in cíasa. Do da la vitoria cuntra le Mühlwald é stada buna la squadra da La Val da purté a cíasa ince in chesc iade trei punc, davagnan 4 : 1. Cun chisc trei punc se porta La Val al 5. post, cun na partida demanco. La partida met man cun en gran ritm da trames le pertes. Da met man dla partida é Rubatscher Romeo che á na gran chance da purté La Val in vantaje, mo le tiro de testa vegn paré dal portier avversar. Al 5° min él Frenes Michael che tira na puniziun sot a metacampo y Sottara Stefan che fesc en tiro de püch sura traversa fora. Do chesta ocaggiun é Vallazza Merch bun da paré de plü Chancen dl avversar, cun de gran parades. An sent che le goal pó gni a mumené da trames les pertes. Al 30° él spo Rubatscher Florian che é bun da purté la squadra da La Val in vantaje. Le prüm temp se stüsc jö sön le 1 : 0 por La Val. TI secundo temp él indo La Val bugn da se purté sön le 2 : 0 cun Rubatscher Romeo, sön passaggio de Frenes Daniel. Püch dedo él Raas che cíafa na puniziun, che vá spo sön la traversa. Sön le unico pice fal dl portier da La Val, ulache al ti sciampa le pal fora dles mans, é bugn i avversar da accorcé sön le 2 : 1. Al 20° é spo Elzenbaumer Alex bun da purté La Val sön le 3 : 1 cun so prüm goal ofiziel, l'esultaziun é ince stada alado. Chesc terzo goal ti á spo taié les giames a Raas, che é ma bugn cun val puniziun da lunc da impegné Vallazza Merch. Ala fin dla partida é cíamo Castlunger Marco bun da segné so prüm goal, le 4 : 1. La partida se stlüsc jö sön le 4 : 1. Cun chesta partida un udü che le laur che é gnü fat chisc ultimi agn, cun i jogn, porta bel plan sü früc.

In cürt cíamo les sostituziuns dla partida:

Al 45° Valentin Elmar por Sottara Werner

Al 50° Elzenbaumer Alex por Frenes Michael

Al 70° Miribung Alexander por Rubatscher Florian

Al 75° Castlunger Marco por Nagler Max

Por ciaré ala formaziun y la panchina clicca la foto in injunta.



Pur ciaré ala classifica y i resultac dles artres partidas clicca. [Resultac y classifica](#)



